

NE EMER TE POPULLIT

GJYKATA THEMELORE NË FERIZAJ, Departamenti i përgjithshëm-divizioni penal, me Gjyqtarin Mustaf Tahiri, duke vendosur në lëndën penale ndaj të pandehurit [REDACTED], me vendbanim ne rrugën "[REDACTED]" nr [REDACTED] në [REDACTED], për shkak të veprës penale Rrezikimi i trafikut publik nga neni 378 par.6 lidhur me par.1 të KPRK-ës, duke vendosur lidhur me Aktakuzën e Prokurorisë Themelore ne Ferizaj, Departamenti i përgjithshëm PP.II.nr.2067-6/2017, dt.10.11.2017, dhe kërkesën për shqiptimin e urdhrin ndëshkimor të paraqitur në Aktakuze, pa mbajtjen e shqyrtimit gjyqësor, me datë 11.12.2017, merrë këtë:

A K T G J Y K I M

PRANOHET kërkesa e Prokurorisë Themelore ne Ferizaj Departamenti i përgjithshëm PP.II.nr.2067-6/2017, dt.10.11.2017, dhe kjo Gjykate i jep këtë;

URDHER NDESHKIMOR

I akuzuari;

[REDACTED] nga i ati [REDACTED], i lindur me dt. [REDACTED], në [REDACTED], me vendbanim ne rrugën "[REDACTED]" nr [REDACTED] në [REDACTED], nga i ati [REDACTED] dhe e ëma [REDACTED] e gjinisë [REDACTED], shqiptar, shtetas i Republikës së Kosovës, me numër personal [REDACTED], mbrohet në liri.

ËSHTË FAJTOR

SEPSE:

Me datë 18.09.2017, rreth orës 13:40, në rrugën "Ahmet Kaçiku" në Ferizaj, përball lokalit "Liridoni" duke drejtuar automjetin e markës "Ford Courie", ngjyr e bardhë, me targa të regjistrimit [REDACTED], nga pakujdesia e në kundërshtim me nenin 53.1 të LSKRR-së ka rrezikuar trafikun publik, jetën e njerëzve dhe pasurinë e tyre, në atë mënyrë që nuk ka qenë i kujdesshëm dhe nuk ka përshtatur shpejtësinë e lëvizjes para vendkalimit të shënuar për këmbësorë, ashtu që me pjesën e përparme të anës së majtë e godet këmbësoren [REDACTED] [REDACTED] gjersa e njëjta ishte duke kaluar rrugën në zebra për ti hedhur mbeturinat, me ç'rast nga kjo goditje e dëmtuara pëson lëndime të lehta trupore me pasoja të përkohshme për shëndetin të përshkruara si në ekspertizën mjeko ligjore të dt.29.10.2017,-

Me çka ka kryer veprën penale Rrezikimi i trafikut publik nga neni 378 par.6 lidhur me par.1 të KPRK-ës.

Andaj gjykata ne baze te nenit 4, 7, 17, 41, 46, 73, te KPRK-se, dhe nenit 359, 360, 361, 365, 366, te KPP-se i;

SHQIPTON

DENIMIN ME GJOBË në shumë prej 200 € (dyqindeuro), të cilin dënim do ta paguaj pas plotfuqishmërisë se këtij aktgjykim.

Nëse i akuzuari nuk e paguan gjobën në afatin e caktuar, Gjykata do të veproj në bazë të nenit 46 te KPRK-se, në zëvendësimin e dënimit me gjobë me dënim me burgim duke llogaritur 20 € për një ditë të kaluar me burg.

Detyrohet i pandehuri që në emër të paushallit gjyqësor të paguaj shumën prej 20 euro, kurse për shpenzime të procedurës penale të paguaj shumën prej 40.88 € për ekspertizë të komunikacionit si dhe për ekspertizën mjeko-ligjore shumën 20.00 €, në afatin prej 15 ditësh pas plotfuqishmërisë së këtij Aktgjykimi.

E dëmtuara: [REDAKTUAR] me vendbanim në fshatin [REDAKTUAR], Komuna [REDAKTUAR], për realizimin e kërkesës pasurore juridikë udhëzohen ne kontestin civil juridik.

A r s y e t i m

Prokuroria Themelore ne Ferizaj Departamenti i përgjithshëm, ka parashtruar Aktakuzën PP.II.nr.2067-6/2017, dt.10.11.2017, se bashku me kërkesën për shqiptimin e urdhrin ndëshkimor, kundër te akuzuarit, [REDAKTUAR], me vendbanim ne rrugën "[REDAKTUAR]" nr. [REDAKTUAR], për shkak të veprës penale Rrezikimi i trafikut publik nga neni 378 par.6 lidhur me par.1 të KPRK-ës.

Gjykata shqyrtoj Aktakuzën dhe kërkesën për shqiptimin e urdhrin ndëshkimor dhe gjeti se Aktakuza dhe kërkesa janë të bazuar ne baze te nenit 495 te KPP-se, gjeti se janë plotësuar kushtet nga neni 493 i KPP-ës, që pa u mbajtur shqyrtimi gjyqësor të merr vendim për urdhër ndëshkimorë si në dispozitiv, pasi qe nga shkresat e lëndës vërtetohet se ka prova të mjaftueshme, të cilat vërtetojnë fajësinë e te akuzuarit se ka kryer veprën penale e cila i vihen në barrë sipas aktakuzës së Prokurorisë.

Gjykata, vlerëson se në rastin konkret ekzistojnë provat te cilat janë të mjaftueshme e për të vërtetuare fajësinë e të pandehurit, se ka kryer veprën penale e për të cilën ngarkohet, sipas aktakuzës se prokurorisë, kjo vërtetohet nga provat si vijojnë: Të lexohet mendimi dhe konstatimi i ekspertit të komunikacionit Sadat Sejdiu i datës: 08.11.2017, ekspertit të mjekësisë-ligjore dr. Flamur Blakaj i dt.29.10.2017, raporti mjekësor nga Qendra Emergjente në Ferizaj të dt.18.09.2017, si dhe fotografit nga vendi i ngjarjes dhe shkresat tjera të lëndës.

Sipas KPRK-se, vepra penale Rrezikimi i trafikut publik nga neni 378 par.6 lidhur me par.1 të KPRK-ës, është vepër penale e dënueshme me gjobë ose me burgim deri në një (1) vit,

Gjykata në përputhje me nenin 73 të KPRK-së, me rastin e caktimit të lartësisë së dënimit me gjobë, mori për bazë gjendjen materiale dhe kushtet ekonomike për te akuzuarin, vlerësoj se një dënim i tille është adekuat dhe është i përballueshëm në raport me gjendjen e tij ekonomike dhe me këtë dënim do te arrihet qëllimi i dënimit, i cili parashihet me nenin 41 te KPRK-ës, pasi qe njëra nga qëllimet e dënimit është te parandaloje kryesin nga kryerja e veprave penale ne te ardhmen dhe te beje rehabilitimin e tij dhe se te përmbajë personat e tjerë nga kryerja e veprave penale.

Vendimin mbi shpenzimet e procedurës penale dhe paushallin gjyqësor, gjykata e mori konform nenit 450 të KPP-ës.

Ne mbështetje te nenit 463 te KPP-se, pala e dëmtuara [REDAKTUAR] për realizimin e kërkesës pasurore juridikë është udhëzuar ne kontest civil juridik.

Nga theksimet e theksuara si me lartë u vendos si ne dispozitiv të këtij aktgjykimi

GJYKATA THEMELORE NË FERIZAJ
Departamenti i përgjithshëm-divizioni penal
P.nr.2920/2017 dt.11.12.2017

Gjyqtari
Mustaf Tahiri

Këshilla Juridike: Kundër këtij aktgjykimi pala ka te drejtë kundërshtimi, ne afat prej 8 (tete) ditësh, nga dita e pranimit, kundërshtimi i parashtrohet kësaj gjykate.

REPubLIKA E KOSOVËS  REPUBLIKA KOSOVA

VENDIMI ËSHTË I PLOTFUQISHËM
ODLUKA JE PRAVNOSNAŽNA
GJYKATA THEMELORE / OSNOVNI SUD
FERIZAJ I UROŠEVAC


Më
Dana

05-03-2018

E. X. P
11.12.17